




ᐃᓄᐃᑦ ᑕᐱᓃᑦ ᓅᐱᑕᑦ
INUIT TAPIRIIT KANATAMI

2025.2026

ARRAGUTAMAAT UNIKKAALIAT

Inuit Tapiriit Kanatami Mitsaanut

Inuit Tapiriit Kanatami (ITK) Kanatalimaami, isumaqsumikkut Inunnik kiggaqtuqtiujut timiqutigi jaujut tilijausimajjutingit nalunaiqtauvattut Inuvialuit Avittuqsimajuni Kuapuriisakkunnut, Nunavut Tungavikkut, Makivvik, Nunatsiavullu Gavamangat. Taakkua tisamat Inuit Angirutinginnut Katujjiqatigiit atuni atiliuqsisimajut atausirmik ungataanulluunniit angirutinik Gavamatuqakkunnut. Taakkuatuattianguvut titiraqsimaningani 35-mi Inuit pijunnautigijanginnut tigumiaqtiit katujjiqatigiini tamaani Kanatami ilagijaujullu ilaqaqtutik tamainnittiaq Inungnik.

Inuit pingasuuliqqangavut Nunaqaqqaqsimajunit ilisarijaujut Agguqsimanilik 35-mi Kanataup Piqujanganini. Nunagijavut, Inuit Nunanga, 40 pusantiummat Kanataup nunangani, 72 pusantiulluni sigjanganit, 32 pusantiulluni Kanataup imanga, ammalu imarmiutaqarviujut. Inuqutivut qaujisaqattaqtut, atuqattarningit ammalu aulatainnarillugit.

Inuit Angirutingit Katujjiqatigiit niruarunnaqtittisuunguvut Katimajinik Inuit Tapiriit Kanatami ammalu Inuit Ukiuqtaqtumi Katimajirjuanginnik Kanatami. Inuit Tapiriit Kanatami piliriqatigasuut ICC Kanatamiikkunni, piliriaksaqaqtitaujut sangiktigiarlugit atausiuqatigiingniq Inuit nunarjuarmiunut. Pauktuutit Inuit Arnait Kanatami ammalu Kanatami Inuit Makkuktut Katimajingit ilagijaummijut Inuit Tapiriit Kanatami ammalu Inuit Ukiuqtaqtumiuqatigiit Kanatami Katimajiningit niruarunnangittunit.

Tautunnguagavut

Inuit Kanatami pivallianiqaqtummariujut tapiriirningitigut ammalu imminiqsugunnarningitigut.

Pinasuagavut

Inuit Tapiriit Kanatami nipigijauvuq Inunnut Kanatami sapummiusiqtauqullugit ammalu sivumuaqtitauqullugit pijunnautingit ammalu pijumaningit.

Ilulingit

Katimajjiit	2
Inuit Nunangani Nunannguaq	4
Angijuqqaap Uqausissanga	5
ITK Katimajjiit amma Katimajiralaat Aaqqissimaningit	6
Naasautikkuuqtut	8
5 Tunngavigit ITK–kut	10
2024-2028 Upalungaijainirmut Pannauti	12
Inuit Gavamatuqakkut Katujjiqatigiit Katimajiralaat	22
Kiinaujalirinirmut Unikkaaliat	26

Katimajiit



Natan Obed
Angijuqqaq, Inuit Tapiriit Kanatami

Natan Obed Angijuqqaarijavuq Inuit Tapiriit Kanatami. Piruqsasimajuq Nain, Nunatsiavummit. 2021-mik, initaakkannilauqtuq pingajuanganut Angajuqqaanguninganut. Aajiiqatigarunnattiaqtuq ammalu angiqatigiiktittijunnattiaqtuni, Obed aaqiksuijujuq Inuit Gavamatuqakkut Katujjiqatigiit Katimajiralaakkunginnut, piliriqatigiingnikkut sivuliqtunirmut saagajaqarniq piliriaqallarigumalluni kiusinirmik tuavirnarniqaanik atuaganut aniguqtinnasugiaqaqpaktunik nungnuungajunik, saqqittinirmiglu qanuilinganirijaujunik Inuit kajusiniqattiarunnaqullugit.



Erwin Elias
Iksivautaq amma Aulattiji, Inuvialuit Aviktuqsimaniujunik Kuapurisan

Erwin Elias Iksivautaujuq amma Aulattijuijuq Inuvialuit Aviktuqsimaniujunik Kuapurisankunnut, tilijausimalluni Inuvialuit nunaqutinginni amma kiinaujat akiliutaujunik saqqiqtaulauqtut 1984-mi Inuvialuit nunataarnirmut angiqatigiigutiganu. Pijiqtirilauqtuq Hammalangani Taktuujauqtuq arraagu 13 ungataanut, Katimajiulluni, Maijaup Tungiligilluniuk amma Pingasuaqtiqtuni Maijaulauqsimajuq..



Paul Irngaut
Angijuqqaangukainnaqtuq, Nunavut Tunngavik Timinga

Paul Irngaut Niruaqtaulauqtuq Angijuqqaap Tungilinganut Nunavut Tunngavikkunnut December 2022-mi, ammalu uattiaruulimat tikkuqtaulauqtuq Angijuqqaangukainnaqtitaulluni January 2026-mi Niruaqtaulauqtinnagu ininganut, Irngaut iqqanaijaqsimajuq katujjiqatigiikkunnut tukimuaqtittijulluni uumajulirinirmut amma avatilirinirmut, iqqanaijalauqtuq Tusaumajulirijikkunnut amma sivulliqaangulauqtuq inuulluni tarrijaassaliuqti siipiisiikkunnut. Irngaut inuulauqsimajuq nunamik, mittimalik Qanigijaanipaluani (Mittimalik) amma Iglulik, Piruqsalauqtuq Iglulimmi.



Pita Aatami
Angijuqqaq, Makivvik

Pita Aatami angajuqqaarijavuq Makivvikunnut. Angajuqqaangusimajuq ammalu Aulattijimmariutsunik Air Inuit-kunnik, Makivvikunnut aulataujumit. Sivulliqaamik Makivvikut Katimajinginnut niruaqtaulauqsimajuq 1987-mik ammalu Angajuqqaangulauqsimsatunuk 1998-mit 2012-mut.



Johannes Lampe **Angijuqqaq, Nunatsiavut**

Johannes Lampe Angijuqqaarijaujuq Nunatsiavummi. Pingajugijauulluni sivukkaqtaijulitqut Nunatsiavut Gavamakkunginnut, Inuit aviktuqsimaniujunik gavamanga sanajaulauqtuq Laapatua Nunataarnirmut Angiqatigiigutinga amma Laapatuap Piqujarjuanga atuligtitautillugik 2005–mi. Ministausimammijuq Nunatsiavut Iliqqusilirijinut, Pinnguaqtulirijinut amma Pularaqtulirijinut.



Herb Nakimayak **Angijuqqaangukainnaqtuq,** **Inuit Ukiuqtaqtumiuqatigiit Katimajingit Kanatami**

Herb Nakimayak Angijuqqaangukainnaqtuq Inuit Ukiuqtaqtumiuqatigiit Katimajinginnut (Kanata) amma Angijuqqaap Tungilirilluniuk Inuit Tapiriit Kanatamikkunni. Paulutamiutaujuq Inuvialuit Nunataarvingani, Nakimayak qaujimajaujuq ajauqtuiqattarninganut nunarjuamik, avatimik kamajiulluni, amma sanngatittinasuarningani Inunnik kiggaqtuijiqariassa ukiuqtaqtulimaamik.



Laisa Audlaluk-Watsko **Katimajiit Angijuqqaarikainnaqtanga, Pauktuutit Inuit Arnait Kanatami**

Laisa Audlaluk-Watsko Iksivautaukainnaqtuq Pauktuutit Inuit Arnait Kanatami. Piliriqattaqsimanikuujuq nunalinni sivuligtilluni amma ajauqtuijujuq inunnik arnanik, piliriaqaqtuni saqqijaaqtittinasunnirmi ajjigiitittinirmik, attanajjaiqsimanirmi, amma sannginitaaqtittinirmik aqqutigillugit iliqqusituqatigut piliriatiinnikkut amma piliriakkut sanngatittivalliajut Inuit ilagiinik amma nunalinni Kanatalimaamik.



Gwen Natsiq **Angijuqqaq, Kanatami Inuit Inuusuttunut Katimajiit**

Gwen Natsiq Angijuqqaarijaujuq Kanatami Inuit Inuusuttunut Katimajinginnut. Iqalunni, Nunavummiutaujuq. Angijuqqaq Natsiq ujirusuligtittinasuppattuq piuniqsanik ilinniarutissanik amma isumakkut aanniaqarnangittulirinirmut ikajuutissanik Inunnut inuusuttunut Kanatalimaamik.

Inuit Nunangat



Angijuqqaap Uqausissangit

Tamaani arraagumi, pigialauqtara 4–riliqtugu angijuqqaangunirijara ITK–kunnut, amma upigusuppunga uppirijauvakkama Inunnut amma taassumunga katujjiqatigiimut. Piliriarivattavut pimmariluppalliatuinnarmata.

Arraaguulauqtumi, Inuvialuit angunasujjutinga qajaq angirralaurmat Kanatamut. Sanajausimajuq amirnut, ivalunnut, amma uquutanut, qajaq utiqtitaulauqtuq Kanatamut December 2025–mi arraagu 10 ungataanut Vatican takujagaqarvinginniilauqtillugu. 62–gijauulluni Inunnut, Allanut amma Allangajunnut pigijaujut Vatican–miittut, utiqtitaulauqtuq mamialauqtillugu Pope Francis 2022–mi tussiarviup attanaqtumiittinirilaqtanginnut qallunaanut, uqausirilluniu maligarmik “tillittuqariaqangittuq.”

Una utiqtitauininga uuttuutittivaujuq isumagijunnaiqatigiinasuarnirmut. Angijut piliriarivattavut Inuit Tapiriit Kanatami ilaqaqtut Inuit namminiutiqainnaqullugit isumaliurutaunuk nunattinni, kingunittinni, maannaujumik amma sivunissatinni. Taannasainnaq taiguusiq tamaani arraagumi tautugaqarmijuq nunaup mitsaanut gavamaliriniq Ukiuqtaqtumi namminiarnirmut, ammalu Kanataup pannautingit angilligiatittijumallutik unataqtussaqutiminik Inuit nunaqutinginni.

Unataqtusakkut pannapalliatillugit suurlu lqaluttuuttiarmi lqalunnilu, nassaqattaqtugut pijarningittunik ilippaallirutigilauqsimajattinnik Unatavijjuarnautillugu, unataqtussait aulaningit nunattinni nuttiqtaujariaqaqattalauqsimangmata, avativut suraqtiqtaulluni ammalu suraijummarialuullutit nunalittinnik, piliriarijaulauqtut Inuit angiqsimagatik ikajuqtaunatillu.

Piliriarijauuniarlutit tamakki Kanatami namminiarniq amma nunalit pijariaqaqtangit, unataqtussanut kiinaujaqturuttissait 2–nik pijjutiqariaqarmata, tulattarvinit uummaqqutinut. Pivalliasimanngilaangulluni Ukiuqtaqtumi aviktuqsimaniujunik, Inuit Nunangat saanngavut makimajjutiqaatiarnani \$75 pilian ungataani. Tamanna takussautittijug angijummarialummi pitaqangimmat pijittirautituinnarnik qujanaaqtausimatuinnaqtut qallunaat nunangannimiunut.

Nunagijavut 32 pusanpalummi Kanataup qaangani imaqaqtuq — ungataaniittuq tallimat Tasirjuat katittugit — amma 78 pusant Kanatami aputiqainnaqtuq sikuqainnaqtunilu. Taakkua angijummarialuujut nunamiutat saqqijaarmata saniraagut nunalinni imirmik uunaqtittiqattariaqaqtut, pituqaruqpalliatillugit qangatasuukkuviujut, ammalu tatigijaaqtutit uqsualutuinnarmik uummaqqutiqarvinut isulissimaliraluaqtillugit aturrunnautingit.

Tamakkua sivullipauqujavut uqausiriqattaqtavut Kanatamut, aulajjaigiarutininik asijjiittinasuppattugut atuqtuta Inuit Gavamatuqakkut Katujjiqatigiit Katimajiralaakkunginnut. Atausiq tuavirnaqtummarialuujug kamagijaujariaqaqtuq amisuruqpalliatuinnarningit puvaluniujut. Arraaguulauqtmittuinnat aittuijuqattautijummarialuulauqtut Nunatsiavummi amma 2–ni Nunavummi nunalijunik, amma quttilaangujumi amisuuniqpaujut Nunavimmi. Inuit Inuit Nunanganni

suli puvalluqattaqtut 600-ngiqsurlugu amisuuniqsait Kanatami inuunikunik nunaqqaqaqsimanngittunik. Nutaat gavamatuqakkunnit kiinaujat \$27 milian arraagunut tallimanut tunngasuttippavut kisiani amigaqsijut nalauttaaqtau-simajunik \$131 milian nungutirijjutauniaqtunik puvalunnarmik nunattinni 2030-rurasuarninganu. Taanna turaagaq tikitaunnaqtuq, kisiani Kanata kamagijaaqarniaqpat Kanatalimaami piliriarijariaqaqtaminik

Kajusiniqattialauqtut unikkaat tamaani arraagumi, quviasullarittunga takulaarnitinni atuinnagarunnalaarnirmik Inunnut aulataujuq quttiniqsanik ilinniarutissait saqqilaarmat uvagut nunalininginni aviktuqsimaniujunik, tusaqtittillaaqtuta tuttarvissaugajaqtumik Inuit Nunangat Ilinniavimmarialuani Arviat, Nunavummi, pannautaujuq 2030–mut.

Aaqqiumarniaqtaqtuq Inuit inuusingita pimmarigijanginni, ilinniavimmarialuk atuinnagalaqtuq ilisarijaujutissanik 2–nik Kanatami aviktusimaniujunik amma 2–nik ukiuqtaqtumi, 6–ngulaqtutik ilinniarviit ilinniarutissaqarlutit avatilirinirmik qaujisarnirmik, aulattiniq, aanniaqarnangittuliriniq, sanaugaliriniq, Inuktut, amma Inuit namminiqsurun-nanirmik. Una ilinniavimmarialuk takussautittilarittuq sulijumik Kanatami sanajauvalliajut makimajjutiit sivumuaqtitti-niaqtunik Inuit namminiqsurunarninginni kiinaujaqaqtittinikkut quttiniqsakkut ilinniatittinirmik amma iliqqusikkuungajunik qanuigingittinirmik inuusuttunik.

Inunnut aulataugalaqpat quttiniqsakkut ilinniarutininik, utiqtitauiningani qajaq, namminiqsunirmut kiinaujaqaqtittiniq, uvvaluunniit turaagarjavut qaangiqtiijaangitavut, tamaani arraagumi imaittuulauqtuq, Inuit qaujimajatuqarnik tigumiaqtiummata amma piliriatigijauuttiarmata Inuit Nunangat Kanatamut. Upigusuppunga amma angiqsimattiaqpunga sulikajurianga sivukkaqtauningani tamanna pimmarialuujut iqqanaijaaq.

Nakummek,




Natan Obed

Angijuqqaq, Inuit Tapiriit Kanatami




ITK Katimajingita amma Katimajiralaat Aaqqiumaningit



Taijauninga


- ITK Katimajingit Niruarunnaqtut Ilagijaujut
- ITK Katimajingit Ilaunginnarunnaqtut
- ITK Sivuliqtingit
- ITK Pilirivik
- ITK Katimajiit Katimajiralaangit
- ITK Piliriqatigiit



Illurjuag


ITK tikiutisimaliqtut sivulliqaami turaagangani nuattilaurninginni
\$160 milian ungataanut sanajaujjutissangani ilinniavimmarialuk.
 ITK angiqsimajut matuiqtauniarningani Inuit Nunangat
 Ilinniavimmarialuk 2030 tikilauqtinnagu.

ᐃᑭᐃᑦ ᓂᑭᑦᓴᑦ
Inuit Nunangat
University



Inuit Nunangat

Inuit 86%-taujut
katittugit Inuit
Nunangani



QANUIPPITAA?

Kanatami Inuit Qanuilmangaata
Qaujisarniq pijariilauqtuq 1-gijanga
tukisiarutissanik nuattiniujumut.

5,428

Qaujisarutilimaat
pijariiqsimaliqtut
Kanatimaamik

NUNATSIYAVUT

Nunatsiavummi, qaujirutaulauqtuq
nanisilauqtuq atangipaluttutik
Nunatsiavummiut niriqattarmata
niqituinnanginni.



98% Nunatsiavummiut
nirisimalauqtut
niqituinnamik taqqiit
12 iluani qausaruti
pigiaqtaulauqtinnagu



86% Nunatsiavummiut
nunamut uumajuriaq-
tulauqtut atausiaqtuti
arraagu iluani qausaruti
pigiaqtaulauqtinnagu

INUIT NUNANGAT

Anginiqaqtuq katittugit ukua British
Columbia, Alberta, Saskatchewan,
Manitoba amma Ontario!

Inuit Tapiriit Kanatami piliriangit sanajausimajut tallimaullutit tunngaviit



Kiggaqtuiniq

ITK kiggaqtuijuq inulimaattianik Kanatami niruaqtausimanikkut aulattillutit. Katimajivut niruaqtausimajut sivuliqtiit tavvanngat 4-nik Inuit Angiqatigiigutiningani Katujjiqatigiiniinngaaqsimajut, Inuit ilangani 35-mi pijunnautimik tigumiaqtiullut ataani piqujarjuaq, ammalu ilagijauullutit Pauktuutit Inuit Arnait Kanatami, Inuit Ukiuqtaqtumiuqatigiit Katimajingit Kanatami, amma Kanatami Inuit Inuusuttunut Katujjiqatigiinik ilauqataunginnarutiqaqtutik/niruarrunnautiqarnatik. Ajauqtuivattugut Inuit pijunnautinginni amma pijumanirijanginni piliriqatigaqtuta Gavamatuqakkuni ammalu tusaumatittiqattaqtugut atausiuqatigiittuta Inuit isumagijanginnik attuijjutauvattunik inuqutittinnut.

Angijuuqaaq Obed niruaqtauliqqilauqsimajuq Angijuuqaaq ininganut Inuit Tapiriit Kanatamikkunnut amma angiqtaulauqsimalluni ITK-kut Arragutamaaqsiut Katimaninganu Iqaluttuuttiaq, Nunavummi September 18, 2025-mi.





Kanatami Inuit Inuusuttunut Katimajingit ajiinnguamiiqataujut Angijuqqaap Obed ajiinnguannani katimalauqtillugit ITK–kut Ottawa allavvingani October 2025–mi.

Qaujisarniq

Qaujisaqattaqtugut amma aulatiqattaqtugut qaujisarutaujunut qaujikkaijjutauvattutik gavamatuqakktut allavvinginnut, maligaliuqtiit, Inunnut amma asinginnut piqaqataujunut qanuingittiaqullugit Inuit Kanatami, ammaluttauq atuutiqattiaqullugit maannaujuq atuagait amma piliriat. Taimaak, ikajuqattaqtugut gavamatuqakktut pilirivinginni, maligaliuqtinik ammalu asingitnri piqaqataujunik tusaumatitauttiaqullugit Inuit pijariaqaqtangit, ammalu atuagait uvvaluunniit nuqqangattitijjutaajut attuiniqaqtut inunnik atuutiqattiarluarmangaata ammalu nalunaiqsijjutinik tunngaviqarlutit.

Julie Dabursin, Minista Avatilirinirmut amma Silaup Asijjipallianinganut ammalu Angijuqqaap Obed katimajaqtulauqtuuk Inuit–Kanat Katimatillugit Salumajumik Piruqallianiq amma Silaup Asijjipallianinganut Ottawa-mi October 2025–mi. Arragutamaaqsiut katimaninga katitittivattug Inunnik amma gavamatuqakkuniinngaagtunik piliriqatigiinni pijutiqaqtutik silaup asijjipallianinganut attuaniqaqtunik Inuit Nunangani, sanngattitaunasuttuni piliriqatigiinniujug amma tusaumatitauttiaqullugit sivunissatinni gavamatuqakktut silaup asijjipallianinganut atuagaliangujulik, pilirianut amma kiinaujaqaqtitaunirmut.





Atuagarnut Tukimuarutiit

ITK tukimuaqtittijuvattuq gavamatuqakkut pilirivinginnut, maligaliuqtinut amma asinginnut piqaqataujunut aanniaqtuliriniup, inuusiliriniup, kiinaujaliurasuarnirmut, avatilirinirmut, amma iliqqusilirinirmut atuagait mitsaanut. Tamanna piliriarivattavut atuqtuta nunnut turaangaju upalungaijautinuungajunik amma unikkaanik.



June 13, 2025–mi, ITK–kut angijuqqaanga Natan Obed katimatittilauqtuq Ottawa allavvingani aippaqaqtuni Rob Russomi, Kanatami tusarassaliriji pivalliajulirijinut The Economist, uqausiqaqtutik Ukiuqtaqtumi Namminiarniq, Attanajaiqsimaniq amma Sapummijausimaniq mitsaanut.

June 2025–mi, ITK–kut saqqiilauqtut iqqanaijaamut titiqqamik, Inuit Tautuganga Ukiuqtaqtumi Namminiarnirmut, attanajaiqsimanirmut amma sapummijausimanirmut, Inuit isumagijangit sivulliqaupauqullugit Kanataup piliriangani. Iqqanaijaamut paippaaq nalunaijaismajuq tammarutausimajummarialunnut, sannginniujut amma qaujimanirijangit inunnut tunijauvattut Kanataup sanavalliarivattanginnut uqaqatigiinniujunut, ammalu pimmarioninga ilisarijaujariaqarniq inunni attanajaisisimanasunniq Kanatami attanajaisisimanirmut.



Kikkutuinnarnut Ilinniaqtuliriniq

Ilinniatippattavut qanatamiutat Inuit sivulliqaupauqjangita mitsaanut amma pillariujunik sanalluta ikajuutissanik ikajuqtuijjutauniaqtunik piliriarijaujunik inuqtittinnut ajjigiingittunik gavamaujunut. Tauqsiinirijavut qaujimajattinni attuiqattarmat sanajauninginni ammaluttauq avittuqtauninginnut gavamatuqakkut pijiqtirarutingit amma ikajuqtuijjutingit.

Kiggaqtuijiit 9–nik gavamatuqakkut pilirivinginninngaqsimajut Nunatsiavummuulauqtut March 2026–mi ilagijaujuq Inuit Tapiriit Kanatamikkut akunimmarik Aulaniqaqtuq Aulattijinik Ilinniatittinirmut Piliriao. Pulaarialauqtut Postville-mut, Nainimut, amma Hopedale-mut.



Atausiutittiniq Inunnik

Ikajuqattaqtugut katujjaujumik gavamalirinirmik amma iliqqusikkut kinaunirmik inunnut Kanatalimaamik piliririvattigut. Katitirivattugut inuqutittinnit gavamalirinirmut ajauqtuilluta, kikkutuinnarnik tusaumatittilluta amma ilinniaqtittivattugut ajjigiinik pijjatauunik saanngajauunik inuqutittinnut. Katujjijunnarnivut kinaunittinnik qattiinarnut inuqutittinnut siammapattuq angijualummik sulit tunngavigijaujuq kajusittiarnirivattatinnut timiulluta.

Elisapie takussautittillauqtuq Tapiriit, ITK-kut qanuiliurutigivattanga Ottawa-mi, May 2025-mi.



Angijuqqaq Obed ilaulauqtuq iqalummiunik amma ilanginni NHL Hakiqtimmarialunginni suurlu Jordin Tootoo amma Haakiqtinut ilisarijaujutitaaqsimajuq "Jumbo" Joe Thornton Iqalunni March 2025-mi pinasuarusiup nunnguani hakiqitillugit aaqqittaulauqtuq ukununga Haki Ikajuqpattuq Angirraqangittunik. Tamanna sivulliqaangulauqtuq Tii amma Palaugaaq Panikaqpajaaq pinnguarnilauqtuq Inuit Nunangani, amma ITK-kut pinnguaqtingit saalassalauqtut pinnguaqatiminik Mississaugas of the Credit First Nation-nik.



Inuit Tapiriit Kanatami 2024–2028–mut Upalungaijautimut Pannauti, angiqtaulauqtuq Katimajinut 2024–mi, katujjiqatigiit tilijausimajjutiginiaqtangat arraagunut 3–nut. Pannauti pimmariluulluni ajauqtuijutiujut Inunnik atausiuqatigiittilluni amma katujjinikkut sivulliqpauqjanut. 7 atugaksarijavut, amma turaangajut qanuiliurutauniaqtut ammalu saqqitaujunnaqtut, katujjaullutit aqqittausimajut Inuit Angirutingatigut Katujjiqatigiingujunut, ammalu atuliqtitaullutik piliriqatigiittiarlutik 4-nut katujjiqatigiingujunut. Ataani uuttuutiujut pivallianirijaujummarit ammalu pijariiqtausimajut ITK-kunnut 2025-2026-mi.

1. Sanngatitauninga Inuit Atausiuqatigiinni, Aulattiniq amma Namminiqsurniq

ITK sanavallianginnaqtut Kanatami Inunnut Nalunaikkutassami auttajuumik aqqissuqtaunasuttuni pijiqtirarutiuvattut Inunnut atuutiqtattianissauqullugit ingirrajutiit, aanniaqtulirinirmut, ilinniaqtulirinirmut amma niruarunnannirmut. Auttajuut sanajausimagajaqtuq amma aulataugajaqtuq Inunnut amma maanna pilirianguvalliajuq angiqtauqullugu gavamatuqakkunnut. Inuit Tapiriit Kanatami tussiraqsimajut gavamatuqakkunni \$10 miliannik ikajuutissanik nalianutuinnatq maligarnut maligialinnulluunniit asijjirutaujarialinnut pijaujariaqaqtut gavamatuqakkunni ilisarijaujunnaqullugu auttajuut, uqausiulauqtillugu Inuit Tapiriit Kanatami March 2026–mi Katimajit katimatillugit, takussautitaujuq ajjinnguami ataani.





Inuvialuit Innatuqanga Darrell Nasogaluak amma nulianga Josephine, ammattauq Duane Smith, taissumani Iksivautaulauqtuq Aulattijiullunilu Inuvialuit Aviktuqsimaniujunik Kuapurisakkunginnut, takugut sivulliqaattiamik 120-ni ukiulik Inuvialuit qajanga Dec. 9, 2025-mi, takussautitaujuq Canadian Museum of History-mi.

Arraagu pingasunut aajiigutaulauqtillugu, Vatican utiqittijumalilauqtuq 62-nik pituqarnik takujagaqarvinga-niissimajut Amina Mundi nuatausimajunik utiqtitaulauqtut nunaqaqqaqsimajut nunalinginnut Kanatami. Ilanga ajiungittuq, 120-ni ukiulik qajaq Ualinnimiinngaasimajuq Ukiuqtaqtumi amma asingit iliqqusikkut attuaniquaqtut Inunnut, Allanut amma Allannagajunnut nunalinni.


Utiqtitauningit taakua pituqait nalunaiqsijuq uqaqatigiigutaulauqtunik arraaguni amisunik Tussiavimmut. Maannaujuq, sunatuinnait Canadian Museum of History-nganiittut Ottawa-mi. Kanatami Nunaqaqqaqsimajut Katujjiqatigiit sivukkatarniaqtut aaqqittaunasunninginni nakinngaasimaningit atuni pituqait.



Taikani Kanataup Kiggaqtuivingani Nuukmi February 5, 2025-mi. Saumimmi: Levi Barnabus, Paul Irgaut, Natan Obed, Johannes Lampe, Kanataup Silataanut Minista Anita Anand amma Ukiuqtaqtumut Kiggaqtuiji Virginia Mearns, Pita Aatami ammalu Adamie Delisle Alaku.

Kanatamiutat Inuit Nuuklialauqtut February 2026-mi takutittijaqtuqtutik ikajuqtuinnerminik namminiqsuninginnut Inuit Kalaallit Nunaanit (Akukittuq).

Inuit Kanatamiutalimaat qatujjiqatigaqtut inuuqatinginni Kalaallit Nunaanit uqaqsimallarinninginni namminiqsurumaniraqtutik sivunissaminik saanganirijanginnut kappiassaaqtaunasunninginni amialigamiut niuvirumaninginni uvvaluunniit tikiutigumaninginni nunanganut.



Niqittiavaliriniq Kanataup Ukiuqtaqtungani aaqqissimaninga

ITK—kut Katimajingit angilauqtut Inunnut aulatau-jumik Aaqqisimaniqaqtuq Kinguvviqtauniar-ni-gani Niqittiavaliriniq Kanataup Ukiuqtaqtuni, piviqaqtittijuq inunnut aulatau-jumik atuliqujaujunik qanuq asijjiqtaujunnarmangaaq gavamatuqakkut piliriang-a amma kiujunnaniqsaujumik pijaujarialinginni Inuit nunalinginnut. ITK tiliurisimajuq piliriqatinginni katujjinikkut sanaqujillutit nalunaiqsijjutit tunngaviquq-tumik niqiqattianirmut pigiaqtitausimajumik aippaqarlutit Inunnik.

ITK Katimajingit angilauqtut saqqiqtauningani Niqittiavaliriniq Kanataup Ukiuqtaqtungani Aaqqissimaninga March 2026—mi.



ITK Angijuqqaanga Natan Obed aippaqalauqtuq Nancy Etokmi, taissumani Iksivautaulauqtuq Katimajinginnut Pauktuutit Inuit Arnait Kanatami June 2025—mi atiliuqtutit Tukisiumaqatigiinnikkut Angirutimik Piliriqatigiinnarlutit naukkulimaattiaq katujjiqatigiittini saqqiiqullugit sanngijunit saqqiqtaujunit Inunnut. Pauktuutikkut ilauqataunginnarutiqaqtut ITK Katimajinginnut Inuit Gavamatuqakkut Katujjiqatigiit Katimajiralaat katimaninginnut.

2. Piusigiaqtauningit atuinnaujut ilinniarnirmut, aanniaqarnanngittulirinirmut amma timimigut ajurutilinnut pijittirautinut



Aaqqitsuiniq pillugu #EndTB

Kajusiinnaqtutimi kisiani kiinaujaqatitauguni ammalu katujjinikkut qanuliurutauguni gavamakkunnut Inunnulu nungutitaugunnaqtuq puvalunnaq.



www.itk.ca



Piusigiariniq illuqaqtitsinirmi pillugu #EndTB

Nirukilliurmiq angirrami kajungiqsaivattut aitturluutaugunnarnigani puvalunnaq.

Kiinaujaqatitsiniq illuqaqtitsinirmi sapummivattut Inunnit.



www.itk.ca



Niqitsaqatsiarniq pillugu #EndTB

Niqitsianit niriqattarniq sapummigunnaqtuq puvalunnaqtutaariikkutauluni ikajurniqasuungutsunilu mamippallianirmi.



www.itk.ca



Nuqqatillugu kanngunaqtuuninga pillugu #EndTB

Inuit ikajuqtaugiaqaqtut mamigunnaqullugit saalakkaarjauqattarsimanikkut puvalunnarmi kamagijarusinut uppirijaqarniqsaugiakkannirlutillu aanniaqarnanngittulirinirmi.



www.itk.ca

ITK tusarutigilauqtanga inuuqatigiinut nilliaqatigiivikkut March 2026—mi. Puvalunnaq pitaqarunniiq-tinialugu amma nuqqatitauniarluni kiinaujaqatitaunginnariaqarniaqtut, nuqqatitaunasulluni amma piliriqatigiillutit gavama-jut, Inuit katujjiqatigiit, aanniaqtulirijiit, amma qaujisarviit.

ITK nutaannguriaqtittilauqtut ajauqtuijtiminik katujjinikkut angirutausimajumik nunguttitaunasunningani puvalunnaq Inuit Nunangani Nunarjuarmi Puvalunnaq Ullungani 2026—mi inuuqatigiinut nilliaqatigiivikkut.

Inuit amma Kanata angiqsimattiaqtuuk nunguttitaunasunningani puvalunnaq (TB) Inuit Nunangani 2030-rulaunginningani. 2024-mi, puvalunnaujuq angininga Inunnut nunaqaqtut Inuit Nunangani 264.4-ngulauqtut 100,000 iluani. Una 600-raaqtigtuni anginiqsaujuq Kanatami—inunukunut, Nunaqaqqaqsimangittut.



ITK Angjuqaanga Natan Obed tunngasuttittijuu qaiquausimajunik Arviat Qilaujaqtingit amma Inngititit pigiarasuaqtillugit takurannaatittinimut.

ITK Katimajingit atangitqutuk isumaliulauqtut tuttarvissau inigiatqangani Inuit Nunangat Ilinniavimmarialummi: Arviat, Nunavut. ITK tusaqtittilauqtuq Ilinniavimmarialuup tuttarvigajagtanga February pivalliajulirijinik katimaqatiqarnimik Ottawa allavvingani, quviasuqatiqalilauqtugut nunalinni amma nirivijuatutalu Nunavummi nunalangani Aprilmi.

ITK nalunaiqsilaurmijut Inuit Nunangat ilinniavimmarialuk tuttarvigajagtanga nunalinni nirivijuatittilluta amma quviasuqatiqittuta arviani April 2026–mi. ITK upigusulauqtuq quviasuqatiqariassa nunalimmiunik amma sivuliqtinik Nunavut Tunngavikkunniingaaqtunik, Makivvik, Nunatsiavut Gavamanga, Kivalliq Inuit Katujjiqatigiit amma Pauktuutit Inuit Arnait Kanatami, ammaluttauq Nunavut Gavamakktut, Agnico Eagle Mines amma Sinata Nancy Karetak-Lindell.



ITK Aanniaqarnangittulirinimut atuagaliuqtingit katimatittilauqtut 4–nik aviktuqsimaniujunik timimmigut ajurutiaqtunut mitsaanut Inuit nunangani. Ukua katimaniujut Iqalunniilauqtut, Nain, Inuvik amma Kuujuaq. Katimatittillugit, pilirijivut katiqatiqalauqtut ajjigiingittunik pijiqtiragtunik, ajauqtuijinik, amma katujjiqatigiinik iqqanaijaqatiqaqpattunik amma ikajuqtuivattunik Inunnik timimmigut ajurutiaqtunik nunalininni aviktuqsimaniujunik. Tukisiarutissat tunijaulauqtut amma qaujimanirijaujut taakkunani katimaniujunik ikajuqtuinaqtut tusaqtitijutaulutit pivalliajjutaujunut Inuit Nunangat Timimmigut Ajurutiaqtunut upalungaijautinganut, pannautausimajuq arraagu 2027–mut.

ITK iqqanaijaqtingit uqaqatiqalauqtut timimmigut ajurutilinnut mitsaanut Qaujigiaqtiit Aanniaqarnangittulirinimut Qaujisarvimmi Iqalunni January 2026–mi.

3. Inuktut uummaqtikkannirlugu



Uqalimaagaq *Inuktitut* saqqiqtaulauqtuq June 2025—mi sivulliqaangulauqtuq atuni unikkaangujut saqqiqtauqullugit inukkut uqausingatigut attuniqarlutit unikkaangujumut. *Inuktitut* uqalimaagaq akuniuqpaangujuq saqqiiqattaqtuq nunaqaqqaarmajut uqausinginni taimanngalimaaq Kanatami. Sanajaulauqtuq Kanataup Gavamakkunginnut 1959—mi. Uqalimaagaq sanajauliqqiniaqtuq amma atinga asijjiqtauniaqtuq Inuktitut—mut 2027—mi.


Kingulliqaangujuq uqalimaarassaq inuktitut uqalimaagangani, atuni unikkaangujut takussauniaqtut attuaniqaqtunut uqausingitigut Inuktitut.

4. Sivumuaqtauninga Inuit namminiqsurunarninga qaujisarnikkut

January 2026—mi, ITK saqqittitlauqtuq *Inuit Nunangani Qaangagut Imarmik Imirrassamik amma Sikup* mitsaanut titiqqaliangusimajuq pitaqaniujut amma iningit Inuit Nunangani imattiavaqarmat. Aturlutit arraagugasaalutit ajjinnguanik, ITK nalunaiqsisimaliqtuq Inuit Nunangat angirrarijaummat 32%-mik Kanataup qaangani imattiavaqarmat— anginiqsaujuq qaangani katittugit 5 tasirjuat.

Inuit Nunangat angijummarialummi nunaqarmat Kanatami — 40% nunanga amma 72% sijjaullutit. Ilagijauulluni imattiavauninga, qaujimanaqtuq Inuit Nunangat ikajuqtuijummarialuummat Kanataup atuqtussanginnut ammalu katujjilluta kinaunitinnu Kanatami.

Inuit Tapiriit Kanatami qaujilauqtut Inuit Nunangat 32%-mik Kanataup imattiavaqutinganik pitaqarnirallutit nunaup qaangani — anginiqsaujuq tallimat tasirjuat katittugit.



ITK katiqsuilaqtuq sivulliqaamik tukisigiarutissanik Inuit Nunangannut Niurritissanik Uuttuutininik, ajuqsagtunut nalunaikkutaq aaqqittaumalluni Inuit Nunangannut. Nalauttaaqtasimajut akingit mikijukuluk, inuusiqaatiarnimut uutturautaujut akingit niuviassait pijittirautillu ilagiit pijariaqaqtangit qautamaat pijariuja-riaqaqtut. Taanna MBM-IN aaqqigiaqsijuq Kanatalimaami aaqqittaumajumik malittiarniqsauqullugu inuusiup pillattaanginnik Inuit Nunanganni, inuunasuarnimut akingit akituniqsammariuummata ammalu atunit aviktuqsimaniujunik ajiungittunik assururutiqaqpattut pijjutiqaqtutit nunamik, ingirrajulirinirnut, silamik, niqittiavalirinirmik ammalu pijjittirautinik atuinnaqarnirmik. Taanna MBM-IN saqqitauniaqtuq 2026-mi.

MBM-IN uuttuutiqaqtuq ajuqsagtuni uutturautauullutit akingit pijajariaqatunnaqtunut illuqatigiinut kiinaujassanginni, ilagijauulluni gavamakkut tunivattangit. Ilagiit kiinaujassangit ataaniittut akingita uuttutiup isumagijaujut ajuqsariangit. Una titiraujaqsimajuq takutittijuq ilagiinut kiinaujassaata mikiniqsammata akiliqsuringinni.



Qanuippitaa? Kanatami Inuit Qanuilmangaata Qaujisarniq (QNIHS)


Unikkaarnautillugu arraagu 2025-2026-mi, ITK Kanatami aaqqissuinginnalauqtut ikajuqtuinginnaqtutik, pilirijutininik, amma allavvillirinimut makimajutininik Qanuippitaa? Kanatami Inuit Qanuilmangaata Qaujisarniq (QNIHS), pijariiqtaulauqtuq sivulliqaanga tukisigiarutissanik nuattiniujuq. Asingit qanuiliurutaumariulauqtut ilaqaqtut Kanatami pilirianik aulattinimut, aaqqiumainnatittillutit 2-nik amma katujjinikkut aulattijjutinut aaqqissimaninginni, pilirijutininik piliriaqaqtutik aippangani qaujisarutimik sanajauningani, ikajuqtuijuti aviktuqsimaniujunik qaujisarutissait amma siammajjutissait, Qaujisainnaqtutik, Qaujisarniq amma linniarutininik qanuiliuqtittillutit, ammalu sanajauningani tukisigiarutissanut aulattini amma aulattijjuttissanut pilirijusininik. Arraagumi amisukallannik pimmaruijunik isumaliurilaurmijut amma katimatittilaurmijut, nutaannguqtitaulluni QNIHS aviktuqsimaniujunik kiinaujat aviktuqtaujut arraagukkaniirnut 2-nut, katiqatiqaqtutik Nunaqaqqaasimajunut Pijjittirautit Kanatami (ISC) unikkaalauqtut pilirianguvallijuup QNIHS mitsaanut ukutiguuna angijuqtautiit katimaninginni. Tiljausimallutit Katimajinut, ITK piliriqatiqarmijuq Ottawamiutat piliriqatinginni sivulliqaamik aanniaqarnangittulirinimut qaujisarniujumik Inunnik nunaqaqtunik Kanataup Angijuqqaarvingani.



Qanuippitaa? National Inuit Health Survey

QNIHS pilirijingit ITK-kunni amma aviktuqsimaniujunik tautugaqaqsimajut ukuninga piliriangujunik ikajuqtauqullugu qaujisarniq atuliqtitauninga aviktuqsimaniujulimaanik.

5. Ikajuqtuijuti atuligtittinirmik inunnut pijunnautinik Inuit Nunangani



ITK ikajulauqtuq pijariqtauningani katujjaujuq Nunarjuarmi Katujjiqatigiit Sulinirutinganut Maligarjuaq titiqqaq, Atuligtittinirmut Tusariarviqarniq amma Piliriqatigiinniq Inunnik. Titiqqaq kiujjutitauqtuq akuni inunnut sivulliqpauqujausimajunik ajjiinniqsauttaqullugit ammalu takussauttiarjuumiqullugit atuligtittinasunnirmut tusariarviqatillugit amma piliriqatigiinnirmut pijassanginni ikajuqtuijutinginnillu pivallianiuut atuligtitauningani Nunarjuarmi Katujjiqatigiit Sulinirutinga Pijunnautinginnut Nunaqqaqsimajut.

Nunarjuarmi Katujjiqatigiit Sulinirutinga Pijunnautinginnut Nunaqqaqsimajut Piquaq saqqitaulauqtuq 2023–mi.

6. Piusivaallititauninga attanajjaqsimaniq amma sapujjisimaniq attanaqtumiittunut Inunnut



June 2025–mi, ITK katimatittilauqtuq ilinniatittisinnaa Inunnik Niurrutitauqatigijunginirmut Ottawa-mi uqausitauqullugit inunnik niurrutitauqat-taqtut Inunnik piqatitauqtutik pijititauqatigijunginirmut-pattunik. Inuaqtausimajut Jaguqqasimajullu Arnait Nukappiallu Inuit Maligaliuqtiit Katimajingit qaiqujilauqtut pijititauqatigijunginirmut inunnut niurrutitauqatigijunginirmut attaujunik pijititauqatigijunginirmut inunnut. Katimajit sanalauqtut Inunnut turaangajumik nalunajjaqsimajut inunnik niurrutitauqatigijunginirmut attaujigattamat inunnik Kanatalimaamik.



December 2025–mi, ITK saqqilauqtuq pilirianguvalliajumik unikkaami Kanatami Inuit Aullajjaigiarutimut Pannautimik Inuaqtausimajunut Jaguqqasimajunullu Inuit Arnait, Nukappiallu amma 2SLGBTQIA+–nik, nalunajjaqsimajut atuligtitauningani nalunaikkutaq Kanatami aulataujuq amma Inunnut aulataujut aullajjaigiarutiit saqqitaulauqtillugu aullajjaigiarutimut pannauti.

Una malittuq June 2021–mi saqqitaulauqtuq Kanatami Inuit Aullajjaigiarutimut Pannautimik Jaguqqajunut amma Inuaqtausimajunut Inuit Arnait, Nukappiat amma 2SLGBTQIA+ Inuit ITK–kunnut Pauktuutikkunnillu amma ITK, kiujjutitauqtuq Inunnut turaangajumik Tiliurijutimik Kingulliqaami Unikkaangani Kanatalimaami Qaujisaruti Jaguqqajunut amma Inuaqtausimajunut Nunaqqaqsimajut Arnait amma Nukappiat (MMIWG).

Kanatami Inuit Aullajjaigiarutimut Pannauti Jaguqqajunut amma Inuaqtausimajunut Inuit Arnait, Nukappiat amma 2SLGBTQIA+ Inuit Arragutamaat Pilirianguvallianinganut Unikkaa 2025–mi unikkaqsimajut ullumimuungaliqtitausimajunik atuligtitauningani Kanatami Inuit aulataujut aullajjaigiarutiit tititauqtausimajut sivulliqpaami Kanatami Inuit Aullajjaigiarutimut Pannautingani 2021–mi.

7. Pilirarijaujuq nuqqaqtitauningita makimajjutiqaqngilluarnirmut

ITK saqqiilauqtuq titiqqamik taijaujuq Kanatalimaamik piliriangujumajuq Inuit nunangani July 2025-mi. Una unikkaaq nalunaijaisimajuq 17-ni pilirianik Kanatalimaamik pijaujumaniaqtuq, ilisaqsisinnaa amisuujuq 79-nik piliriat nalunaiqtausimammata arraagunut 10-nut Akiliqsuutaugajaqtuni amma Qaujisa-rutaugajaqtut Makimajjutinut Inuit Nunangat Unikkaangani taassuminga malimmijuq malittaujarialimmik.

Angilligiatuuningit ukua 17-ngujut piliriat nalunaijaqsimajut tavvani C-5 Piqujassauq aaqqissimaningani aaqquisuqtaukkaniriaqarniaqtuq, pijariiqtaussarailluni, amma attuiniqariaqatuq makimajjutinik pilirianguvattunut, Kanatalimaaq ikajurluni sukkaligiatuuningani atuliqtitaujuq amma ikajuqsuqtaukannirlunilu.



Kivallirmi Imarmut Nukillautinut Attatarvissaq atuliquijjut aqutissamut piliriamik, ilagijanga amisuujuq Kanatalimaami pilirarijaujumajut Inuit Nunangani.



December 2021-mi, Kanataup Gavamakkungit isulittittijumaniralaqtut Inuit Nunangani makimajjutiqaqtianginniumik arraagu 2030–rulaunginningani. November 2025–mi, ITK–kut saqqittillauqtut arraagunut 10–nut Akiliqsuijgutaugajaqtunik amma Qaujisarutaugajaqtunik Makimajjutinut Inuit Nunangat Nainaaqsimajuq Unikkaaq. Una unikkaaq ikajuqtuijuq pinasuaqtaujuunik nalunaijaqtaullutit pijjutaqut Inuit Angiqatigiigutitut atuliquausimajut kiinaujatuqrutaugajaqtumut.

Saqqiisimajuq 79–nik makimajjutinut piliriassanik tamaani 4–nik Inuit nunanginni aviktuqsimaniuju-nik nalunaijaqtausimallutit sivulliqpauqujat arraagunut 10–nut tuavirnaqtuullutit amma ajurnarajanginninganillu.

Inuit Gavamatuqakut Katujjiqatigiit Katimajiralaat

Pilirianguvalliajumut unikkaa 2025-2026

Inuit Gavamatuqakut Katujjiqatigiit Katimajiralaat (ICPC) aaqqittaulauqsimajuq 2017–mi sivumuaqtuqullugit katujjaujut Inunnut–Gavamatuqakkulu sivulliqpauqujat aaqqsuttiaqsimajukkut piliriqatigiinniarlutit Inuit sivuliqtiit, gavamatuqakkat ministangit, angijuqqautiit, amma qarisaualirijiit. Tunngaviqarluni Inuit Nunangat sulinarutingani tavvani Inunnut–Gavamatuqakut piliriqatigiinnikkut, ICPC sulii pimmarialuujuq sivumuaqtitaunasunninginni Inuit sivulliqpauqujangit piliriqatigiinnikkut, katujjilutit pivalliatinasuttutik amma Inuit namminiqsurunnaqullugit.

2025–26–mi unikkaaruijumik, ICPC–kut sivuliqtingit katilauqtut 2–raaqtiqtutik, July–mi amma November 2025–mi, pannautiqakkaniqtutik Sivuliqtiit katimakkanilaarlutit upirngaangani 2026. ICPC Angijuqqautiit katimaniqalauqtut sivuniani November Sivuliqtiit katilauqtinnagit ikajulauqtuq nalimugiitauninginni sivulliqpauqujat, aaqqittaulutit akaungiliurutauijut amma sivumuaqtaullutit piliriassait piliriqatigiinnikkut.

July 2025–mi sivuliqtiit katimaninga sivulliqpaangulauqtuq nutaannguriaqtitausimajumut piliriqatigiin–nikkut nutaattiamut gavamatuqakut amma iksivautakkanninganut Kanataup Angijuqqaarjuanga Mark Carney Inuuvimmi. Una katimaniujuq katitittilauqtuq atangipaluttunik niruaqtausimajunik Inuit sivuliqtinginni amma gavamatuqakut ministangi upagutisimallutit amma nalunaiqsikannilauqtut katujjinikkut angiqatigiissi–mannirijangit inunnut amma gavamatuqakkunnut piliriqatigiinniarlutit tavvuuna ICPC–kutigut sivumuaqtitauninginni sivulliqpauqujat Inuit nunangani.

Uqautaujummarilauqtuq inuuvimmi atuliqtitauninga Kanatami illuliurnirmut piqujaq maliqullugu Inuit maannalisait angiqatigiigutinginni amma tunngaviqarluni piliriqatigarnirmik inunnik. Sivuliqtiit angilauqtut ICPC pimmarialuni katimaviuqattaniarmat sivumuaqtitauninginni taakkua uqautauqattaqtut, ilagijauulluni isumaqsaqsuutauijut attuanigattut Pimmarialummuk Piliriit Kanatami pijumanirijaujut amma piviqattittiniujut Inunni ilauqatauniarlutit amma ikajuqtauniarlutit.

Inuit amma gavamatuqakut sivuliqtingit katiqatigiilauqtut Inuit Gavamatuqakut Katujjiqatigiit Katimajiralaat katimaningani Inuuvimmi July 2025–mi. Saumiani, ITK angijuqqaanga Natan Obed, taissumani IRC iksivautarilauqtanga Duane Smith amma Kanataup Angijuqqaarjuanga Mark Carney uqaqatigiittut Inuvik mivvingata tunuani.





July katimanirilauqtangani tusaqtittilaurmijut tikkuaqtauningani Kanatami nutaattiaq Ukiuqtaqtumi Kiggaqtuiji, Virginia Mearns. Tikkuaqtaunirijanga takussautittijutq pimmaruuninginni Inuit sivuliqtiit amma qaujimaqitaaq aqqissuiqattarninginni Kanataup Ukiuqtaqtungani amma nunarjuarmi katiqatigiinnuijunik.

Nunarjuarmi piliriqatigiinniq sivumualaurmijutq unikkaqtillugit. February 2026–mi, Inuit sivuliqtingit ilauqataulauqtutq matuiqtauningani Kanataup nutaattiaq kiggaturvinga Nuuk, Kalaallit Nunaanit, pimmaruqataututq saqqiqtaulauqtutq Kanataup Ukiuqtaqtungani Silataanut Atuagaq. Saqqiqtauninga kiggaqtuivik sanngatittijunnaqtutq kasuumaqatigiinnirmik Inuit Nunangani amma ikajuqtuiluni piliriqatigiikkannigutaujunaqtuni Inuit aviktuqsimaniujunik nunarjualimaamik.

ITK Angjuqqaaq Natan Obed uqausiqalauqtutq qanuiliurniujumik matuiqtautillugu Kanataup nutaattiaq kiggaturvinga Nuuk, Akukittumi February 2026–mi.



Pimmarialuujumik pivallianiqlaurmijut Maligaliurvimmi Sivulliqpauqjanut Piliriqatigiit, pijariiqsilaurmata katujjillutik aqqissuqtaulaurningani tukimuagutissaq titiqqaq, *Atuliqtitauninga Tusariaviqarniq amma Piliriqatigarniq Inunnik*. Angiqtaulauqtuq sivuliqtinut November 2025-mi, titiqqaq kiujjutiujut akunimmariujut Inunnut sivulliujaqujausimajut ajjiittittiniqsauqullugit tukisinattiarniqsaulugillu atuliqtitaunirijangit tusariarviqarnirmut amma piliriqatigiinnikkut pijassarijaujut ammalu ikajuqtuilluni pivallianirijangani atuliqtitauninga Nunarjuarmi Katujjiqatigiit Suliniraruti Pijunnautinginnut Nunaqaqqaasimajut.

Taakkunani sivulliqpauqjanik, piliriqatigiit nalunaiqsilauqtut amisukallannik pijjutaunuit ikajurniqalauqtut kjusittiaraningani unikkaarutaujut. ICPC pimmariujumik katimatittiinaqtut inunnik amma gavamatuqakkuniinnгааqsimajunik piliriqatigiinni uqautalauqtut saqqipalliatuinnagtut pijjutigillugit, nalunaijaqtaulauqtut apuqtarutaujut amma nalimugiiliqtitalutit aqqigutissait. Inunnut aulataujut qanuqtuurutissait tunngaviqaqtut Inuit Nunangat Atuagangani amma ajjiungittukkut tunngaviqaqtut kiinaujaqatitaunirmullu pilirijjusiit ikajuqtaulauqtut namminiqsunirmik amma ikajuqtaulauqtut sivumuaqtauninginni piliriarjaujut suurlu niqiqattiarniq angirraqanginrlu.


Tamannatitut akuniujukkut piliriqatigiinni, ICPC—kut saangaqattaqsimammata aksuruutaujunik arraagu iluani. Gavamatuqakkut niruarnauninga amma nuttipallianinga nutaamut gavamamut attuilaqtuq qangakkurajarninginni ilanginnut katujjaujut pivalliatuavalliajunut, ikajuutissait killiqatitaullutit, iqqanaijaqtiit asijjitarngit amma pijariatujuullutit kiinaujaqatittigutaujut aqqittausimajut sukkaittivallialaurmat pilirianguvalliajunik. Taakkuangugaluqatillugit aksuruutaujut, Inuit amma gavamatuqakkuniinnгааqsimajunik piliriqatigiinni sanngijukkut angiqatigiilaqtut piliriqatigiinnirmik amma sivumuaqtaunginnalauqtut katujjaujut sivulliqpauqjat.

Aqqissuilaqtut arraagugasanik piliriqatigiinnirmi amma katujjiqatigiinnirmik, ICPC sivumuaqtiinnalauqtut 2025-2026—mi pilirianginni ajjiittitauqullugit Inuit nunangani atuqtutik inunnut aulataujut aqqigutissait. Maanna arraaguliqtanga 10, ITK suliliriaqallarigumavut taakkua ICPC-kut saqqittittijariaqarninginni inunnut ammalu niriuttut piliriaqainnarniarnirmik tamatuminga pimmarialuujumik piliriangunasuttumi aippaqarlutit gavamatuqakkunni piliriqatigivattaminik arraaguni agqiqpalliajunik.

Angijjuqqaq Natan Obed amma Gavamatuqakkut Nunaqaqqaasimajunut Piliriqatigiinnirmut Ministanga Rebecca Alty iksivautauqataulaqtuq Inuit Inuit Gavamatuqakkut Katujjiqatigiit Katimajiralaangita katimaningani ITK allavvingani Nov. 24, 2025—mi.



Inuit Gavamatuqakkut Katujjiqatigiit Katimajiralaangita aaqqissimaninga



Ikajuqtiit

- ITK Katimajiit
- Kanataup Gavamakkungita Allavvingit
- Iqqanaijaqtinik Ilautittiniq
- Katujjaullutit Sivulliqpauqujaujut amma Piliriqatigiit

Nainaaqsimajut Kiinaujat Unikkaangit

Inuit Tapiriit Kanatami Katimajinginnut

Isumaginira

Nainaaqsimajut Kiinaujat Unikkaangit, nainaaqsimauqhlutit unikkaangit kiinaujangita qanuilingalirnjangit March 31, 2026—utillugu ammalu nainaaqsimajut unikkaat aulattinirmut, nainaaqsimajut unikkaat asijjiqsimanirijangit akiliqtaujarialiit akiliqtaulauqtillugit piqutit ammalu nainaaqsimajut kiinaujat iqsipallianingita unikkaangit arragumut isulittittuviniutillugu, taikanngat pijausimavut tammaqsimajurniaqtausima-juqutingingnit kiinaujat unikkaangit Inuit Tapiriit Kanatami (maanna taijauqattarnialiqhluti taakkunani titiqkani “Katujjiqatigii”) arraagu isulittittugu March 31, 2026.

Isumagijattinni, ilaliutisimajut nainaaqtausimallutit kiinaujat unikkaangit naammattuullutit nainaaqtausimajuqutigivait tammaqsimajurniaq-tausimaningit kiinaujat unikkaangita, tunngavigillugit nalunaiqtausimajuq titiraqsimajumi 2.

Nainaaqsimajut Kiinaujat Unikkaangit

Nainaaqsimajut Kiinaujat Unikkaangit iluliquauqtuinaunngimmata tamainni sakkutausimajunut taimaiqujiqattarnikuullutit Kanatami Naisausirinirmut Malittaujariaqasuut qakigutiksaliunngittunut katujjiqatigiinut. Uqalimaahlugit nainaaqsimajut kiinaujat unikkaat ammalu Tammaqsimajurniaqtiup unikkaangit tavvani, taimaimmat, inangirutaujariaqanngilat uqalimaarlugit Katimajiit tammaqsimajurniaqtausimajungita Nainaaqsimajut Kiinaujat Unikkaangit ammalu Tammaqsimajurniaqtip unikkaangit tavvaniittut.

Tammaqsimajurniaqtausimajut Kiinaujat Unikkaangit ammalu unikkaarijavut taakkununga

Uqausiqalauratta aakqigiaqsimanngittunit tammaqsimajurniaqtavinittinnut isumagijattinni tammaqsimajurniaqtausimajut kiinaujat unikkaangingni unikkaaliarisimajattinniihlutit September 9, 2026.

Kamagijarialingit aulattijiit ammalu taikkua aulattijujarialiit katimajingit nainaaqsimajunut kiinaujat unikkaanginnut

Aulattijii kamagiaqaqput upalungaijailutit nainaaqsimajut kiinaujat unikkaanginni tunngavigillugi nalunaiqtausimajuq titiraqsimajumi 2.

Tammaqsimajurniaqtip Kamagijarialingit

Kamagijariaqarattiguli uqausiqarluta isumagijattinni Nainaaqsimajut Kiinaujat Unikkaangit naammattukut nainaaqtausimagamik Tammaqsimajurniaqtausimajut Kiinaujat Unikkaangita tunngavigillugit aulajjusirijavut, kamagilauqsimallutigut tamakkua malihhlugit Kanatami Tammaqsimajurniaqtausimajut Malittausuut 810, qanuiliurutausimaningit unikkaarmut nainaaqsimajut kiinaujat unikkaanginnut.

Ilisarijausimajut pilirijimmariullutit
Naisausirijiit, Laisansiqaqhlutit Inungnit
Kikkutuinnarnik Pijittirasuut Naisausirijingit

Ottawa, Canada
September 9, 2026

Aulattijjutaujut

Arraagu isulilauqtuq March 31, 2026

	Aulattijjutaujuq	Kiinaujaqaqtitaullutik piliriangusimajut	Katillugit 2026	Katillugit 2025
Kiinaujaliat:				
Ikajuusiaqtittisimaningit – Inuit Tapriit Kanatami	\$ –	\$ 16,441,085	\$ 16,441,085	\$ 17,311,389
Ikajuusiaqtittisimaningit – Piliriqatigijausuut Katujjiqatigii	–	9,287,668	9,287,668	8,838,203
Ilagiarutinit Kiinaujaliurniq	597,764	986,040	1,583,804	1,257,249
Asingit	674,049	–	674,049	830,060
	1,271,813	26,714,793	27,986,606	28,236,901
Akilirialiit:				
Kiinaujjaksat ammalu ikajuusiat	43,151	8,433,620	8,476,771	9,066,799
Saqqijaariarutinit	35,899	15,769	51,668	54,930
Kiinaujakkuvinut akiliutaujut	27,980	147	28,127	18,785
Tusaqattautilirinimut	39,720	142,084	181,804	118,983
Aittuqtuinimut	16,322	44,743	61,065	44,500
Piqutinut aturtuarniq	26,481	67,188	93,669	220,982
Nalliukkumaat	25,956	–	25,956	20,520
Maligalirijiqarnimut Akiliutiit	–	84,694	84,694	320,016
Allavvingmi Atuqtauvalliajut	177,531	112,945	290,476	435,706
Amisuliurniq	2,018	69,341	71,359	32,525
Iqqanaijartittinimut akingit	278,524	4,719,644	4,998,168	4,365,162
Piliriamut akingit	–	30,000	30,000	–
Allagvingmik aturtuarniq	518,390	244,826	763,216	589,006
Inuktituuliqtiriniq Uiviitituuliqtiriniq	–	92,218	92,218	98,825
Aullarutiit	643,784	1,842,045	2,485,829	2,743,781
Ingirratitagaksanuulingajut				
– Piliriqatigiqausuut Katujjiqatigiit	–	9,287,668	9,287,668	8,860,007
Katikhlugit ammalu aulattinimut aturtaujut	(1,527,861)	1,527,861	–	–
Akikilligiarningit Aturaksat Akitujuutinit Piqutinut	405,077	–	405,077	304,443
	712,972	26,714,793	27,427,765	27,294,970
Kiinaujaqatsianginniujut qulaanit kiinaujaqturniit ataanit titiraqsimajut atulaunngitillugit				
	\$ 558,841	\$ –	\$ 558,841	\$ 941,931

Nainaaqsimaningit Unikkaar Kiinaujat Qanuilingalirningingnut

March 31, 2026

	2026	2025
Piqutiit		
Ullumi:		
Kiinaujat	\$ 70,005,229	\$ 70,056,157
Kiinaujat qaitaugumaaqtut	5,214,241	5,074,067
Akiliqtauajarialiit Katujjiqatigiimut	1,569,470	2,204,859
Akiliqtausimajariiqut Akiliksanut	6,280,744	9,836,931
	83,069,684	87,172,014
Ullumimut akiliksat:		
Aturaksat Akitujuutiit Piqutingit	2,211,388	1,624,647
	\$ 85,281,072	\$ 88,796,661

Akiliaksat

Ullumi Piqutiit:		
Akiliutigijariaqatut akiliksat ammalu nuaksimajut akiliksat	\$ 3,718,378	\$ 4,315,210
Ullumimut akiliksat:		
Qinaujat ukiuq nutaamut nuutaujut	76,316,770	79,741,496
Atuqtuarnirmut illurjuaqmik Kajungiqsauti	233,999	286,871
	80,269,147	84,343,577
Akiliarialiit Akiliqtaulaugtillugit Piqutiit:		
Kiinaujat atuqtat akturaksanut akigujuutiit piqutinut	2,211,388	1,624,647
Kigliqatitaujut	299,437	299,437
Kigliqatitatusimannguttut	2,501,100	2,529,000
	5,011,925	4,453,084
	\$ 85,281,072	\$ 88,796,661

Katimajinut kiggaqtuilluni,

Tukimuartsij

Allattijj

Asijjirningingnut Akilirialiit Akiliqtaulauqtillugit Piqutitut

Arraagu isulilauqtuq March 31, 2026

	Kiinaujait Atuqtaujuq	Kigliqaqtitaujuq	Kigliqaqtitatusi- mannguttut	Katillugit 2026	Katillugit 2025
Kiinaujarijaujut, arraagu pigiarningani	\$ 1,624,647	\$ 299,437	\$ 2,529,000	\$ 4,453,084	\$ 3,511,153
Qaangiutisimaningit Utiqtuksait Kiinaujait Atuqtauvallianinginnit	(405,077)	–	963,918	558,841	941,931
Piqutigijaujunut ilagiaqtausimajut	991,818	–	(991,818)	–	–
Amiakkungit, arraaguup isuani	\$ 2,211,388	\$ 299,437	\$ 2,501,100	\$ 5,011,925	\$ 4,453,084



ᐃᓄᐃᑦ ᑕᐱᓯᑦ ᓃᐱᑕᑦ
INUIT TAPIRIIT KANATAMI

 75 Albert St., Suite 1101
Ottawa, ON Canada K1P 5E7

 613-238-8181

 /InuitTapiriitKanatami

 @InuitTapiriitKanatami

 /company/inuit-tapiriit-kanatami

 www.itk.ca

[WWW.ITK.CA](http://www.itk.ca)